

ЛЫДЗИСЬЕСМЫ ТУЖ ЖАЛЬ ПОТО

Удмурт Элькунын 578 библиотека. Таос пöлысь Ижысь Ломоносов ульчае интыяськем элькун библиотека но солэн Глазовысь но Сарапулысь филиальёсыз гинэ чакламын ляб адзись но сукур муртьёслы. Нош сыңе сöсырьёс республикаемы 6 сюрс 500 пала. Юром соослы усътэм библиотекаосын туннэ 65 сюрс портэм пумо издание. Соос пöлысь 10 процентэз гинэ таза адымылы чакласа поттэм книгаос, 10 процентэз бадзым букваосын печатламын, 30 процентэз – вогыриё букваосын, 50 процентэз – куараен вераськись книгаос. Татын тырше 29 мурт.

Ляб адзись но сукур муртьёслы библиотекаен кивалтйсь Любовь Моисеева, фондэз узырмытон сяна, тыпак мукет сюлмаськонъёсын улэ.

– Лыдзисьёсмы туж жаль пото, сүлэмы ик вандйське, соос шоры учкыса, – мур лулзе Любовь Владимировна. – Конституциез учконо ке, сöсыр-а тон, таза-а – котькинлэн улыны-вылыны огкадь правоез. Жаль, куддыр со чик но уг чакласькы. Нимысьтыз пусьем законъёс гинэ но чемысь быдэсьяськытэк кылэ. Ляб тазалыко муртьёслы юрттэт сётон законын пусьемын, ивор басьтыны котьку луонлык сётоно шуэмын. Но со уг вера на: кулэ луись иворез шедьтоно библиотекаысь гинэ. Магазина, аптекае пырыса но, сукур мурт кулэ вуз бырйыны медаз шугъяськы.

Кöня ке ар талэсь азыло тужгес кулэ интыосын коть сыло вылэм нимысьтыз машинаос – автоинформаторъёс – кнопказэ зйбид но, иворез кылд. Нош туалла компьютер вакытэ малы номыр но сыңе-таңеез уг лэсьтйеькы? Сöсыр муртьёс көтжожзэс куддыр кисьто ик милемлы, нош кивалтйсьёслы вазиськыны уг дйсьто – сотэк но мискинъёс шоры юнме шорысь вожмес поттйськомы, Соослэн висёнзы асьмелы валантэм. Синъёсмес дас минутлы ке но юн кыныса сюрес вылэ потысалмы, тём-тём гуын кык-куинь вамыш лэсьтыны вырысалмы ке, оло, соку сүлэмъёсамы маиз ке вырзйсал. Малы инвалидъёс сярись тодамы вайиськомы быръёнъёс азын гинэ?

Валасько: жале усемъёслэсь улонзэс капчиятон понна кулэ уксё. Али пуктйсько выль учреждениос. Соосты уг усъто, кылсярысь, отын öвöл ке машина султытъян интыез. Секыт, лэся, таңе курон пуктыны: ляб адзись но сукур адымиос пырыны мед пöрмытозы шуыса, соослы капчи усъяськись öсэн, могзылонъестэк сюрес лэсьтоно. Интернет-клубъёсын сукур егитъёслы нимысьтыз одйг ке но компьютер пуктыса, кивалтйсьёссы öй куанермысалзы, вылды.

Мар кыңе ке клубъёсты пыкылонэз? Школаосын но со чакламентэ. Туж жож информатика уроке ветлйсь ляб адзись пинальёс понна. Огшоры компьютерен ужаны пишмытозы шат соос? Зэм, одйг аспöртэм компьютер но соин ужаны кулэ луись арбериос пуктыны кулэ 500 сюрс манет. Но со уг вера на, асьмеос киосмес вöльяса пукыны кулэ шуыса.

Шумпотымон, милям библиотекаямы ке но туэысен ужаны кутскиз 6 сыңе нимысьтыз компьютер. Со сэрегез усътыны юрттйз Удмурт Республика валтйсь федеральной инспектор Александр Кобзев. Лыдзисьёсмы талы туж шумпотйзы, рос-прос тодон-валан, пе, басьтыны быгатомы ни. Куд-огез

кунгож кылъёсты но дышетыны медэ. Соин ик ми дорамы ас мылкыдзыя юрттыны өтиськомы студентъёсты. Сöсырьёсты но дышетысалзы, практика но ортчысалзы, визь-нод но люкасалзы. Удмурт кун университетысь куд-ог егитъёс шумпотыса дорамы ветло ни. Пöртэм ужрадъёс ортчытыяны но тыршо соос.

Ляб адзись но сукур муртъёсты сяна, библиотекамы быгатэмезъя юрттэ на мукет сöсырьёслы но. Ми али туж юн кусып возиськомы юристьёсын. Лыдзисъёсмылэн юанъёссы тачак. Куддыр паймиськод но: кытысь сомында? Гожтэтэн валэктыса гинэ уг луы. Куддыр уго вылй образованиен адями но законъёсты йöнала валаны уг быгаты. Югдурез рос-прос кушан понна кулэ нимысьтыз специалистъёс. Вылаз ик, асьсэ мылкыдзыя, коньдон курытэк соглаш мед луозы на юрттыны. Милемлы та ласянь туж удалтйз. Нош ик кужым сётйзы Александр Кобзевлэн аппаратаз ужасьёс. Туннэ ми луимы ни социальной юрттэт сётонъя центр.

Со сяна, библиотекамы ужа на висись пичиосын, соослэн анай-атайёсынызы. Сыёеос али 130 кузя. Милям туж устоесь специалистъёсмы, выль программаосмы. Туннэ ми быгатонлыкъёсмес сётыны выриськомы школаослы но.

Туж умой вылэм, милям библиотекамылы кулэясъкисъёс – сöсырьёс – воксё бырысалзы ке. Котырысь адямиос шудоесь ке, мар кулэ на? – веранзэ йылпумъя Любовь Моисеева.

Федорова, Е. Лыдагисъёсмы туж жаль пото / Е. Фёдорова // Удмурт дуннэ. – 2008. – 27 мая.